









149

# REQUESTE

PRESENTEE A MES-

SIEURS DE LA COVRT

de Parlement de Paris, Par Ma-

dame la Duchesse de Guyse. *Catherine*  
*de Cleves*

Pour informer du massacre & assassi-

nat commis en la personne de feu

Monseigneur de Guyse.



NN. 4.

57

M. D. LXXXIX.

REVUE

DE LA

REVUE DE LA

REVUE DE LA

REVUE DE LA

REVUE DE LA

REVUE DE LA

REVUE DE LA

REVUE DE LA



M. D. LXXIX



Requeste presentee à  
*Messieurs de la Court de Parlement  
de Paris, Par Madame la Du-  
chesse de Guyse, veufue de feu Mō-  
seigneur le Duc de Guyse.*



**S**UPPLIE humblemēt  
Catherine de Cleues  
Duchesse, douairiere de  
Guyse, tāt en son nom  
que comme tutrice de ses enfans  
mineurs, Disant que feu Monsieur  
le Duc de Guyse Pair & grād Mai-  
stre de France son mary, estoit fils  
d'un Prince qui a remply toute la  
terre du renom de ses vertus si vti-



les à toute la France, que l'ayant  
estéduë du costé d'Allemagne par  
la cōseruation de Mets, il l'a rejoin-  
te du costé de l'Angleterre à la grād  
Mer son anciēne borne par la prin-  
se de Calais, & d'un autre endroict,  
il l'a deliuree de la terreur d'une pla-  
ce auparauant reputée inexpugna-  
ble par la ruine de Thionuille, puis  
ayant heureusement trauaillé à pur-  
ger ce Royaume du venin conta-  
gieux de l'heresie, qui l'auoit quasi  
du tout infecté, & se voyant prest  
d'en venir à bout, il fust proditoi-  
rement meurtry & assassiné par les  
ennemis de Dieu & de son Eglise,  
delaisant trois enfans, qui se sont  
monstrez vrais heritiers des vertus  
de leur pere, mesmes de son zele ar-  
dant en la religion Catholique A-  
postolique & Romaine, dont l'un



5

estoit Cardinal, Archeuesque & Duc de Reims, & premier Pair de France, & les deux autres Ducs de Guyse & du Maine aussi Pairs de France, lesquels furent enuoyez dès leur premiere ieunesse aux armées vniuerselles de la Chrestienté, contre l'Empereur des Turcs au siege de Vienne, & à la bataille de Lepâte, & tousiours depuis se sont employez à la persecution des heresies, iusques à s'enfermer tous deux ensemble pour la cause de Dieu dās la ville de Poictiers estroitement assiegee, ce qui arresta le cours impetueux de son ennemy, par ce que la longueur de ce vain siege, ayant rendu leur armée toute foible & languide, & donné loisir d'en dresser vne contraire toute fraische & vigoureuse, il fust par ce

A iij

moyen fort aisé de vaincre à Mōt-  
 contour, tellement que la conser-  
 uation de Poictiers, par la genero-  
 sité de ces deux freres, a esté vne des  
 principales causes de l'heureux suc-  
 cez de ceste importante & celebre  
 bataille: Aussi en vn autre combat  
 subsequnt, dōt la victoire demeu-  
 ra audict feu sieur de Guyse, il y re-  
 ceust la playe qu'il portoit au visa-  
 ge. En fin voyant que peu à peu la  
 religion Catholique se perdoit en  
 France par dissimulation, & mes-  
 mes qu'on la menaçoit de tomber  
 du tout soubs la domination d'un  
 Prince notoirement heretique, &  
 qu'on commençoit desia de l'esta-  
 blir, en mettant es mains de ses ad-  
 herans & fauteurs, les grandes di-  
 gnitez, gouuernement de prouin-  
 ce, villes, chasteaux & principales

forteresses du Royaume, tellement  
que si on n'y pouruoyoit de bõne  
heure, le peril ja eminent feroit en  
brief rendu du tout ineuitable, il  
se mit en deuoir d'y remedier, mais  
par moyens doux & gracieux, fe-  
stant contenté de l'Edict de Iuillet  
1585. aussi sainctement procuré de  
sa part, que faintement executé de  
l'autre: De façon que les conuiën-  
ces & practiques secretes de ceux  
qui pouuoient du tout opprimer  
les heretiques, leur donnerent au  
contraire le courage & moyen, de  
conduire au cœur du Royaume v-  
ne effroyable armée d'estrangers  
miraculeusement dissipée par mo-  
yens supernaturels: Toutesfois en  
tant que Dieu fest voulu seruir du  
ministere des hommes, il choisit  
principalement les Ducs de Guyse

& du Maine aux exploits de Villermory & d'Aulneau, qui furent les plus prochaines causes de la desroutte des ennemis. Mais ceux qui pouuoient aisément estendre les heureux effects d'une si diuine victoire, iusques à l'entiere extinction du feu, lors reserré en vn petit coin du Royaume, conuertirent au contraire la suite de la guerre en delices & voluptez, à fin que les ennemis eussent loisir de reprendre leur premier esprit, & pour leur accroistre le courage, departirent publiquement à celuy qui estoit leur principal soustien, l'un des premiers offices, & l'un des plus importants gouuernemens de tout le Royaume, tellement que par ces artifices, outre ce qu'une si insigne victoire demeura infructueuse, les  
plus



plus affectionnez Catholiques furent encores menassez d'outrages, voire de supplices. Ce qui excita inopinément & à l'impourueu l'esmotion populaire de Paris, retenüe & appaisée par le Duc de Guyse, avec tant de prudence & moderation, qu'elle a surmonté non seulement l'esperance, mais, quasi le souhait des hommes: car ayât mesprisé d'vn courage hautement esleué par dessus les passions humaines ce qui enfle & desuoye quelquesfois les plus belles ames, il reserra tous ses desirs au soing de la gloire de Dieu; & se contenta pour toutes choses du sainct-Edict d'Vnion solennellement iuré avec tant d'execrations contre les trāsgresseurs, qu'elles eussent adstrainct la foy des plus barbares & infideles natiōs

du monde. Et par ce que le commencement de son execution, dependoit de la tenuë des Estats generaux, où les Princes & les deputez de toutes les prouinces estoient solennellement assemblez, quant on vit ceste grande & honorable compagnie asseuree à vne legitime liberté, qui tendoit serieusement à l'extirpation de l'heresie, & à la reformation des desordres, qui ont ruiné ce florissant Royau-me, mesmes à retrancher l'exaction des subsides immenses, & la profusion monstrueuse des deniers publicqs, ceux qui veulent tousiours continuer la dissolution de leur premiere vie, & preparer les chemins à la domination des heretiques, n'en peuvent imaginer vn plus propre moyë, que le massacre



des Princes, qui festoiēt tousiours  
monstrez les plus affectionnez au  
soulagement du peuple & à la con-  
seruation de la pure religiō Catho-  
lique, pour l'executiō duquel des-  
seing, ayans rejuré l'Edict d'Vnion  
& renouuelé les autres promesses  
d'asseurance, tant par sermens solē-  
nels, que par toutes autres simula-  
tions de biē-vueillance, voire ius-  
ques à se deuouër par imprecatiōs  
plaines d'horreur, apres auoir prins  
la Saincte Eucharistie, en fin le 23.  
Decēbre le Duc de Guise qui estoit  
assis au conseil, ayant esté mandé  
de la part du Roy, & s'estant leué &  
acheminé pour y aller seul nud, &  
sans autres armes que l'espee nee  
auec sa qualité, comme celuy qui  
ne se fust iamais deffié d'vne si insi-  
gne perfidie, est cruellement mas-

sacré par plusieurs meurtriers expressément disposez pour cest effet. Et au mesme instant Messieurs les Cardinaux de Bourbó & de Guyse, Madame la Duchesse de Nemours, Monsieur de Nemours son fils, Monsieur le Prince de Joinville, Monsieur le Duc d'Albeuf, Monsieur l'Archeuesque de Lyon, les Preuost des Marchés & Escheuins de ceste Ville, & quelques autres deputez des Estats sont estroitement emprisonnez: & le lendemain Monsieur le Cardinal de Guyse Archeuesque promu à l'ordre de Prestre, & qui auoit sacré le Roy, comme premier Pair de France, est aussi inhumainement massacré. Au bruit notoire desquelles cruautéz commises en plains Estats, par la plus execrable perfidie qui fut ia-

mais ouye, toutes nations Catho-  
liques, & toutes les prouinces de  
France se sont iustement esmeues,  
comme d'une iniure publique, di-  
gne aussi d'estre vëgee par la force  
publique. Toutesfois sans y desfro-  
ger aucunement, & se departir des  
autres voyes dont on pourra vser,  
selon que le requiert la qualite du  
faict, d'autant que par la Loy certai-  
ne & notoire de ce Royaume, ce  
Parlement est la Court des Pairs de  
Frâce, qui en sont les premiers Cõ-  
seillers avec priuilege, que ce que  
concerne leur honneur, leur estat  
& leur vie, ne peut estre traicté ail-  
leurs que par la voye de Iustice: La  
suppliante desireroit en informer  
de l'ordonnance d'icelle Court:

CE CONSIDERE' qu'il vous plaise  
luy octroyer cõmissiõ pour infor-

mer des faits susdits, circonstances & depédances, & ce par tels de vous Nos sieurs qu'il vous plaira cōmettre & deputer, pour l'information veuë & rapportee estre decreté cōtre ceux qui se trouueront chargez & coupables, & autrement proceder comme de raison, & vous ferez bien.

CATHERINE DE CLEVES.





ess -



























